

新野縣志卷之五

新野縣知縣常山徐金位纂修

人物志

新野極中州之南源起嵩山毓秀鍾靈漢晉來登陰
來廣諸大家勲業文章稱極盛焉若子陵之高尙黔
婁之純孝節義公主之捐軀殉難尤足勵風化光史
冊矣守土者取歷代之芳徽比類而書之若者忠孝
若者廉潔若者節堅金石若者脫然塵俗較若列眉
雖曰表揚前哲亦以風後人於無窮也作人物志

新野縣志

卷之五

人物

名臣

漢

鄧禹字仲華邑東鄉人幼遊學長安與東漢光武
相親附更始立禹不肯從及聞光武安集河北卽
杖策北渡迨至鄴帝見之甚驩謂曰生遠來寧欲
仕乎禹曰不願也但願明公威德加於四海禹得
效其尺寸垂功名於竹帛耳爲今之計莫如延攬
英雄務悅民心立萬世之業揀萬民之命天下不
足定也帝悅常止宿於中帝披輿圖示曰天下

國如是今始得其一子前言以吾而慮天下不足
定何也禹曰海內淆亂人思明君猶赤子之慕
母古之興者在德厚薄不以大小光武悅任使諸
將所舉皆當其才光武籌赤眉必破長安授以西
討之畧拜爲前將軍持節入關所至克捷光武卽
位拜大司徒赤眉入長安所過殘賊百姓不知所
歸禹停車駐節以勞來之名震關西諸將勸禹徑
攻長安禹不然之休兵北道就糧養士以觀其弊
二年更封梁侯赤眉西走扶風禹乃至長安謁祠

新野縣志

卷之五 人物

二

高廟收十一帝神主奉詣洛陽十三年天下平定
封高密侯禹內文明篤行淳備事母至孝有子十
三人各使守一藝修整閭門教養子孫皆可以爲
世法永平元年年五十七薨謚曰元弟寬封明親
侯顯宗乃分禹封爲三國長子震爲高密侯次襲
爲昌安侯季珍爲彘安侯少子鴻好籌策以爲小
侯與議邊計帝以爲能拜將兵長史肅宗時爲度
遼將軍與竇憲擊破敵有功徵行車騎將軍出塞
追叛逆坐逗留下獄死子訓震傳乾尙顯宗女

水公主拜侍中
主爲少府掾傳
平臯長公主拜侍中
珍健良及弟康

鄧

晨字偉卿妻爲光武女兒嘗識光武終就大事

漢兵起晨將賓客會棘陽漢兵敗小長安諸將多
亡家屬光武單騎走遇晨妻元起令上馬元搗曰
行矣不能相救無爲爾沒也會追兵至元及三女
皆遇害漢兵退保棘陽而新野率乃汙晨宅焚其
塚墓宗族皆恚怒曰家自富足何故隨婦家入

新野縣志

卷之五

人物

三

湯鑊中晨終無恨色更始立以晨爲偏將軍與光
武畧地潁川擊破王尋王邑以爲常山太守會王
郎反晨間行會光武於鉅鹿自請從擊郎鄆光武
曰偉卿以一身從我不如以一郡爲我北道至入
乃遣晨歸郡光武卽位封房子侯四年留鎮九江
晨好樂郡職由是復拜瀝爲中山汝南太守所在
吏民稱之十八年徵行廷尉事定封西華侯李謚
憲子棠嗣徙封武當侯傳罔及國及福永建初

縣子國除

新野縣志 卷之五 人物 四
主歙光武甚親敬之初從更始入關數言事不用以病去更始敗東詣洛陽光武見歙大歡卽解衣衣之拜大中大夫使說隗囂歸漢及囂二於漢且忿歙質責欲殺之西州士夫以其有信義敬重之多爲之言故得免而東歸明年復以精兵襲破囂隴右遂安後與蓋延等進攻蜀之元安大破之公孫述大懼使刺客刺歙未絕馳召蓋延延伏哭不能仰視歙叱曰使者中刺客無以報國故呼巨卿屬以軍事而反效兒女子涕泣乎延強起受誠歙自書表薦段襄骨鯁可任乃投筆抽刃而絕帝甚慟之贈中郎將征羌侯謚節子裒嗣傳稜爲黃門侍郎尙顯宗女武安公主稜子歷

陰 識字次伯光烈皇后之前母兄遊學長安聞春陵兵起委業而歸率子弟宗族賓客千餘人詣伯升伯升以爲校尉更始元年遷偏將軍二年封陰德侯建武初光武遣使迎陰貴人於新并徵識拜騎都尉更封陰鄉侯明年以征伐功增封識卽頭

讓曰天下初定將帥有功者衆臣托屬掖庭仍如
爵邑不可以示天下帝甚美之至十五年定封原
鹿侯顯宗立爲皇太子以識輔導東宮帝每巡郡
國識常掌禁兵鎮守京師入雖極言正議及與賓
客語未嘗及國事所用掾吏皆簡賢者多至公卿
顯宗卽位拜執金吾位特進卒謚貞子躬嗣傳璜
璜亡無子國絕永寧初以璜弟淑紹封傳輔躬弟
子綱以女爲和帝皇后封吳房侯三子軼輔敞皆
黃門侍郎

新野縣志

卷之五

人物

五

陰 興字君陵光烈后母弟膂力過人建武二年爲
黃門侍郎守期門僕射從征伐平定郡國每從出
入甚見親信雖好施接賓然門無俠客與張宗鮮
於裒雖不相好然知其有用猶稱其所長而達之
張汜杜禽素與厚善以爲華而少實但私之以財
終不爲言是以世稱其忠平第宅苟完僅蔽風雨
九年賜爵關內侯帝後召興欲封之置印綬於前
興曰臣未有先登陷陣之功而一家數人並蒙爵
士令天下觖望帝喜其讓從之貴人問其故興曰

亢龍有悔夫外戚家苦不知謙退富貴有極人當
知足貴人感其言深自降擢卒不爲宗親求位卒
謚翼子慶封鮑陽侯傳湊強侯員丹並爲郎慶讓
田宅與員丹帝義之擢爲黃門侍郎慶卒子琴嗣
琴卒子萬全嗣全卒子桂嗣興弟就嗣父封宣恩
侯改新陽侯善談論朝臣莫及然性剛傲子豐尙
光武女酈邑公主性狷急殺主被誅父母皆自殺
國除

鄧 訓字平叔少有大志不好文學禹嘗非之顯宗

新野縣志

卷之五

人物

六

卽位以爲郎中樂施下士士大夫多歸之永平中
監理滹沱石白河知大功難立奏罷其役歲省費
億萬計全活徒士數千人章和二年代張紆爲護
騎校尉訓擁衛稽故令不得戰以德懷之月氏咸
歡喜聽命因出塞擊迷唐大破之燒當豪帥稽顙
歸死餘皆效塞納質遂罷屯兵訓雖寬中容衆而
於閨門甚嚴四年冬病卒吏人諸羗家爲立祠追
封平壽侯謚曰敬五子京黃門侍郎悝業侯淇西
平侯闔西華侯事母新野君以孝聞子忠以廢自

殺妻耿氏有節操養河南尹豹子爲嗣教以書學
永壽中著書東觀官五屯騎校尉長

鄧 漢隲弟和熹皇后之兄少治歐陽尙書授和帝
禁中諸儒多歸附之封侯

鄧 康珍子也少有操行兄良無後紹封夷安侯爲
越騎校尉康以太后久臨朝政宗門盛滿數上書
諫爭宜崇公室自損私權言甚切至太后不從因
謝病不朝太后遣內侍問之時宮人出入多能有
所毀譽其中耆宿稱中大夫所使者乃康家先婢

新野縣志

卷之五 人物

七

亦自通中大夫康詒曰汝我家出亦敢爾耶內侍
恚譖之太后怒遂免康官遣歸國絕屬籍安帝立
復徵爲侍中進太僕有方正稱名重朝廷加位特
進卒謚義侯

鄧 隲字昭伯少辟大將軍竇憲府以后兄累遷車
騎將軍定策立安帝封上蔡侯固辭不受受詔討
西域還拜大將軍時遭荒歉盜賊起西域侵叛隲
崇節儉罷力役推進賢士列於朝廷辟楊震朱寵
陳禪置之幕府天下復安教訓子孫皆遵法度深

戒竇氏檢飭宗族閭門靜居永光元年復封爲上
蔡侯位特進時帝長多不德太后崩宮人先有受
罰者誣告鄧氏有廢立謀帝聽之廢鄧氏侯爲庶
人鶻僅以不與謀徙羅侯悉遣歸故郡沒入其貲
產鶻及子鳳俱不食死鄧氏子弟自殺者五人於
是大司農朱寵訟鶻寃言甚切至帝悟詔諸從昆
弟歸京師順帝卽位復爵秩鄧氏自中興後累世
寵貴侯二十九公二大將軍以下十三中二千石
十四列校二十二州牧郡守四十有八自餘侍中

新野縣志

卷之五

人物

八

將大夫郎謁者不可勝數東京莫與爲比

來 歷字伯珍少襲爵以公主子爲侍郎延光初累

遷執金吾太僕侍中常侍樊豐與大將軍耿寶侍

中周廣等讒陷太尉楊震歷以傷害忠良絕不與

交時王聖等讒搆太子被廢歷累明其無辜獨守

闕連日不肯去坐免官會帝崩順帝卽位朝廷皆

稱歷社稷臣拜車騎將軍官至大鴻臚卒子定嗣

尙安帝妹平氏公主順帝時爲虎賁中郎將傳子

虎桓帝時爲屯騎校尉弟豔字季德少好學下筆

開館養徒少歷顯位靈帝時再遷司空

樊 華字仲華光武微時以事拘新野華爲市吏餽

餅一笥光武德之及卽位徵爲侍御史遷河東都尉帝笑謂曰一笥餅易一都尉何如華頓首謝及至郡誅大姓屏盜賊吏人畏之遷揚州牧教民耕田種樹理家之術視事十餘年坐法左轉軹長隗囂滅後隴右不安乃拜華天水太守政嚴猛好申韓法善惡立斷人犯其禁率不得生民歌曰寧見乳虎穴不入冀府寺大笑期必死忿怒或見置嗟我

新野縣志

卷之五

人物

九

樊使君安可再遭值在職十四年卒於官子融有俊才好黃老不肯爲吏

來 敏字敬達新野人來歙之後也入蜀爲劉璋賓客涉獵書籍善左氏春秋先主定益州署典學校尉及太子立爲家令後主踐祚爲虎賁中郎將累遷光祿大夫景耀中卒子忠博覽經學有敏風與尙書向充等並能協贊大將軍姜維善之以爲參

軍

鄧 芝字伯苗禹之後漢末入蜀先主與語大奇之

擢爲郢令遷廣漢太守清嚴有治績入爲尙書奉使入吳修好孫權以吳有長江之阻蜀有重險之固二國共爲唇齒則進可并兼天下退可鼎足而立若委質於魏魏必上望入朝下求待子江東之地非復大王所有也權默然良久曰君言是也遂絕魏與蜀連和使還以爲監軍累遷揚武將軍封陽武亭侯芝爲將二十餘年賞罰明斷善恤卒伍旣卒家無餘財

五

新野縣志

卷之五 人物

十

鄒

湛字潤甫南陽新野人以身學知名仕魏歷通

事郎太學博士泰始初轉尙書郎太康中拜散騎

常侍出補渤海太守轉太傅楊駿長史遷侍中駿

誅以僚佐免官尋起爲散騎常侍國子祭酒轉少

府元康末卒所著詩及論事議二十五首爲時所

重子捷字大應亦有文才永康中爲散騎侍郎

杜

曾新野人爲竟陵太守先是胡亢聚衆竟陵自

號楚公假曾爲太守曾殺亢并其衆自稱南中郎

將旣而致箋於平南將軍荀崧求討丹水賊以自

效崧納之

樂

廣字彥輔邑清陽里人魏叅軍方之子性冲約有遠識與物無競善清談與王衍齊名爲天下風流稱首夏侯元裴楷王戎皆歎賞不及每論人必先稱其所長則所短不言自見衛瓘見而竒之曰此人之冰鏡也時王澄胡毋輔皆以任放爲達或至裸體者廣笑曰名教中自有樂地何必乃爾初舉秀才辟太尉掾出補元城令累遷侍中河南尹辨弓影沉盃之毒除狸妖閉戶之怪人稱神明在

新野縣志

卷之五

人物

十一

政無功譽每去職遺愛爲人所思後官至尙書令坐壻成都王穎與長沙王乂邁難以憂卒
南北朝

庾深之字彥靜新野人元嘉二十九年自輔國長史爲長沙內史南郡王義宣爲荆襄二州加深之寧朔將軍督湘川七郡明年義宣爲逆深之據巴陵見書追贈冠軍將軍雍州刺史

曹欣之新野人宋元徽初爲軍主以平桂陽王休範功封新市縣子爲佐軍驍騎將軍加輔國將軍元

徽四年進號冠軍將軍子景宗

武

念新野人本三五門出身宋郡將蕭思話爲雍州遣土人龐道符統六門田念爲道符隨身隊主後太府以念有健名且家富有馬召出爲將世祖臨雍州念領隊奉迎時沔中蠻反世祖之鎮緣道討伐部伍至太堤巖洲蠻數千人忽至乘高矢射雨下念馳赴奮擊應時摧退擢爲參軍督護其後每軍旅常有戰功世祖孝建中爲建威將軍桂陽太守太宗卽位遣念乘驛還雒州綏慰西土因以

新野縣志

卷之五

人物

十三

爲南陽太守念旣至人情向之

樂

藹晉尙書令廣裔孫方頤隆準舉動蘊籍仕南

齊爲驃騎將軍叅荊州事梁天監中累遷御史中

丞終廣州刺史子法才仕梁爲建康令不受俸祿

比去將至百金縣曹啓輪台庫武帝嘉其清節曰

居職若斯可以爲百城表矣尋陞南康內侍歷位

少府卿江夏太守弟法藏有才智官至征西錄事

叅軍法藏子子雲以江陵令除光祿卿魏兵克江

陵衆奔散呼子雲子雲不去死之

庾 篁有口辯初辟南齊驍騎將軍功曹史後爲揚州別駕清身率下妻子不免饑寒明帝手勅褒美累遷會稽郡丞

張惠紹字德繼義陽人有武幹梁高祖踐祚封石陽縣侯天監六年以功增邑三百戶尋爲持節都督北兗州諸軍事魏宿預淮陽二城內附惠紹撫綏有功進號智武將軍益封二百戶入爲左衛將軍尋出爲持節都督司州諸軍事領安陸太守在州和理吏民親愛徵還爲左衛將軍加通直散騎常

新野縣志

卷之五

人物

十三

侍甲仗百人直衛殿內十八年卒謚曰忠子澄嗣澄初爲直閣將軍丁父憂起爲晉熙太守隨豫州刺史裴邃北伐有戰功歷官衛尉卿太子左衛率卒官謚曰愍

曹景宗字子震以膽勇聞頗愛史書每讀穰苴樂毅傳輒放卷歎息曰大丈夫當如是梁武帝刺雍州景宗深自結附時天下方亂帝亦厚加意焉表爲竟陵太守及帝起兵景宗聚衆并率五服內子弟三百人從軍帝至竟陵以爲右衛將軍天監一

封竟陵侯卒贈開府儀同三司謚曰壯天監五年
景宗禦魏振旅還朝賜宴聯詩令沈約賦韻已盡
餘競病二字景宗操筆斯須而成曰去時兒女悲
歸來笳鼓競借問行人何如霍去病帝賞嘆不
已舉朝嗟異

庾曼倩新野人六歲能誦老子及長尤善清談不倚
利愆梁元帝在荊州以爲主簿每好黃老言著莊
議馬樞字要

庾域篁之族梁文帝爲郢州辟爲主簿美其才爲

新野縣志

卷之五

人物

十四

荆南杞梓後爲懷寧太守罷任還家妻子猶事業
曰仕終寧蜀太守子子與

庾質字行修少明敏有志尚八歲通梁世祖元覽
言志等十賦拜童子郎仕周齊殤王記室開皇初
除奉朝請遷隴州司馬大業初授太史令操履貞
慤立言極直每災異指事面陳煬帝多忌刻下獄
死子儉傳父業兼有學識歷襄武令以星歷知名

唐

庾光烈篁之後與弟光先俱不受安蘇山僞官

之光烈終于少卿光先吏部侍郎

庾何光烈子朱泚反與弟倬逃山谷不仕官至

部侍郎

庾敬休字順之何之子唐舉進士中宏詞科拜宣

州幕府入為右補闕起居舍人言左右起居注

當隨宰相侍天子紀言動錄付史官詔可而執政

尋以機密事不可露罷之遷翰林學士戶部侍郎

時蜀饑請以本道關官職田賑貧民再為尚書左

丞卒贈吏部尚書敬休恬淡多容不瀟聲色弟簡

新野縣志

卷之五 人物

五

休亦至工部侍郎

明

威字令儀幼篤學舉洪武壬午鄉試授西解

州衛學教諭勤訓迪日與諸生講解經義初邑少

嗜學至是由其教而登門目者遂得二人時值歲

旱民多流殍惻然曰古一富而教今民困教將

安施即疏口以數事時一廟以

奏嘉其且言一知治授邑知縣

隱吏

心

史正色立朝襟臆不

事

景文質者率三百餘人詣闕墾乞復邑行之賜

里費乘傳還治子宗領西鄉試登進士

曹銘字克修別號古菴永樂甲午舉人戊戌

授香河知縣奏十事其一論從祀荀况性惡杜預

短喪尙列祀典而宋儒胡瑗楊時尹焞羅仲素李

侗蔡沈胡安國真德秀有功道學羽翼六經尤當

崇祀以振儒風從之先是香河多中官家人依勢

侵佔民田銘立寘諸法田歸於民會入覲中官矯

卷之五 人物

六

之豹房三日獸不爲害上問之旣出銘中官

譴焉尋陞判順天府又陞知儋州約已裕民

清節大著詔旌勉之祀鄉賢

徐茂字景芳景泰庚午舉人天順丁丑進士擢監

察御史奉勅整理邊防巡按淮陽再按京畿貪墨

不職者望風解印綬去歷道九載拾遺補過激濁

揚清人稱行體陞山西叅議祀鄉賢

喬生質醇厚長益方潔舉洪治辛酉鄉

試亞魁授戶德府推官嚴一恐陞知定州覈

懲地以均貧乏酌贖銀市牛種招給流散復業
有再生喬父之謠建正學書院贈給書生倡郡士
夫爭醵金建里鎮社學四十餘所選師分教童蒙
創修陂堰利數百餘家名其堤曰喬公堤嘗出行
道見一馬伏車前如叩訴狀隨馬得屍立辨寃質
之寃死人驚爲神在郡八年盜賊屏息民爲立生
祠壘書褒獎爲直隸清官第一名陞都督府經歷
叅贊機務以善謀稱後補韓府左長史又能以禮
義感化驕王引年致仕祀鄉賢

新野縣志

卷之五

人物

十七

劉良卿字一夔人品魁梧氣槩軒豁正德丙子舉人
嘉靖丙戌進士授知江都縣政績茂著民有去思
補阜城縣擢監察御史巡察陝西再按南畿憲績
爲時嘉美陞淮安知府剖斷明決人咸以神稱之
及休致林下置先師廟祭器崇禮典以爲學校先
文章有藻思鬯達明爽類其爲人祀鄉賢

蕭麟字正甫父聰教以經學舉洪治甲子鄉試任
高郵訓導轉定州學正陞鹽城知縣制行端謹蒞
政廉能孝友之風尤孚於鄉黨旣卒人猶稱之

元麟子正德乙卯舉人已未進士授刑部三事
累官陝西行太僕寺卿敷歷中外咸有政聲養高
勇退優游林下卒祀鄉賢

馬化龍隆慶庚午舉人萬歷丁丑進士任長治縣清
廉仁恕陞嘉興同知淮安知府歷官天津道祀鄉
賢

馬之麒字康莊化龍之子萬歷丙午舉人丁未進士
庚戌殿試一甲二名經筵進講功著啟沃戊午典

新野縣志

卷之五

人物

六

試三楚所拔皆知名之士天啟朝抗懷孽宦獨標
忠清歷三朝官禮部左侍郎榮祭墓祀鄉賢

馬之駿字九達化龍次子萬歷己酉舉人庚戌進士
殿試二甲任戶部主事博洽典籍詩文行世疏請
賑邊績著軍民歷官戶部郎中祀鄉賢

潘林字大梁姿秉淳朴少有器局精於吏事任寧
夏衛經歷委理邊計多著能聲陞蒲州同知與守
同心每叅公議從容進說益於民而後已擢陞

與解皆治卒於官士民會哭為立祠與論推為

吏儉人今祀鄉賢

李復初字念先萬歷癸酉舉人任鄖陽府推官
遊繫親心卽解綬歸里闢地百畝中植花木娛老
林下四十年口不置孝友二字會大饑人相食
所積粟給鄉族全活者甚衆沒之日遠近流涕
祀鄉賢

黃芬萬歷丁酉舉人戊戌進士任太谷知縣祀鄉賢

陶鴻儒字雲衢萬歷甲午孝廉中萬歷辛丑進士初

新野縣志

卷之五

人物

十九

任山西長治多善政宜民邑人爲立生祠歷遷松江知府問民疾苦興利剔弊百姓愛如父母又培植學校講課不輟擇其文有體式者刊爲雲間鳳毛以正文體一時登科甲者甚衆及致仕歸父老遮道流涕擁車馬不得行著有攀轅錄祀鄉賢

楊威正統十一年應例入太學任華陰知縣爲人剛正心切愛民作興士類去任之日民泣送之爲立生祠月推重今祀鄉賢

張茂字延齡由生入太學以風節自勵任內

清正不阿邑有河漢率衆下邳石殺洪流者藜禦
尋後者益奮而其功速成以治行入廷知交河時流
寇肆屠掠獨相戒莫敢犯以憂歸補安東館邑饑
捐俸賑濟全活其衆訟者數言立決其治獄務在
求生未嘗妄殺一人父瓚嘗以忠厚訓苻人稱其
作述云祀鄉賢

梁 震襲榆林指揮歷遷延綏副總嘗敗吉囊於黃
甫川嘉靖十四年錄戰功進右都督尋遷左都督
震好讀兵書善訓士身經百十餘戰未嘗少挫及

新野縣志

卷之五 人物

二十

卒贈太子太保明史稱其有古良將風事詳明史
列傳內見藝文

孝義

漢

李 善字次孫本李元蒼頭元家俱疫死惟孤兒續
始生數旬諸奴婢欲殺續分其資善傷李氏而力
不能制乃潛負續逃隱山陽瑕邱界中親自哺養
乳爲生連續雖在孩抱奉之不異長者閭里感其

一 指率修義及續長奉歸善其奴婢於續

...之時鍾離意為瑕邱令上書薦之...
...及續並為舍人善顯宗時辟公府以能...
...選日南太守從京師之官道經清陽過李元家乃
脫公服持鉏去草拜哭甚悲身自炊爨執鼎俎以
修祭祀垂泣曰君夫人善在此今祀鄉賢祠

鄧

彪字智伯禹之族也父邛以功封鄆侯彪少勵
志修孝行父卒讓國於異母弟荆鳳明帝高其節
許之後仕州郡辟公府五遷桂陽太守入為太尉
在位清白為百僚式和帝卽位進太傅錄尚書賜

野縣志

卷之五

人物

三

晉關內侯

北朝

賈黔婁字子貞徵士易之子天性醇厚事親至孝未
嘗失色於人仕齊編令有異政先是縣多猛獸黔
婁至皆隱去為孱陵令未旬忽心痛舉身流汗卽
臥棄官歸省父果遘疾始二日醫云欲知瘥劇但
嘗糞甜苦父泄痢黔婁輒取嘗之味轉甜滑心愈
憂苦每夕稽顙北辰求以身代弟於陵博學有才
歷官黃門侍郎肩吾為常侍黔婁今祀鄉賢廟

子與字彥文不喜笑謹性仁厚居父母喪家貧傭
書營蒸至手指穿裂涇陽劉虬嘉其孝作孝子傳
子與字孝卿性至孝仕梁爲尙書郎丁母憂哀至
嘔血父域沒於蜀哀慟將絕者再奉喪還巴東
有灑瀨石最險其次則瞿塘時秋水猶壯子與乃
無心長號其夕水驟退行人爲之語曰灑瀨如幞
本不通瞿塘水返爲庾公初發蜀有雙鳩巢舟中
及葬又巢廬側每聞子與哭泣必翔鳴而激切廬
墓服闋手足枯攣待人而起叔該慰勉之仕官至

華野縣志

卷之五 人物

三

巴陵內史雖以嫡長襲爵國秩盡推諸弟今祀鄉
賢祠

彙

運字承業晉尙書令廣之八世孫祖文素齊南
郡守父拘梁義陽郡守運少好學涉獵經史而不
持章句年十五而江陵滅隨例遷長安事母及寡
嫂並贖免被籍親屬以孝義聞性方直未嘗求媚

於人後周天和初起家夏州總管府倉曹參軍

魏室參軍露門學士萬年縣令擢遷豪古

後犯顏厲 對太子中人

之喪論數赦陳人失宣帝怒欲殺之以三歲教得免入隋爲鄴譯所譖左遷涇陽令轉高堂令著有諫苑文帝覽而嘉焉

明

齊 雲漢治壬子舉人任汶上訓導與諸生講解經義寒暑不輟徃徃推本於孝弟忠信諄諄勵人敦實行士習爲之變亦多顯者擢令邯鄲復補嘉祥遷判延安同知臨洮再補嘉興所至能其官清白一節尤以風化爲務嘉靖改元引年乞歸詔以四

新野縣志

卷之五

人物

三

品服致仕少失母事父及繼母曲盡誠謹祀鄉賢
曹 燧萬曆丙午舉人庚戌進士歷仕工部侍郎祀旌孝行祀鄉賢

喬 隆監生儁之子幼穎敏好讀書史精於醫知縣熊宣署爲醫學訓科活人甚衆愛親敬長出於自然教育二侄璣璋皆以孝稱凡里中貧人及商旅無所歸者每施棺與地塋之行義重於鄉里卒年八十有四

劉 灌字大器資稟俊雅器量恢洪年十一選入邑

卒補廩生事親極孝勤學不輟寒暑 德三年當
貢以郭蒲年老讓之人高其義後應五年貢以親
老乞就養得選商州訓導教人多方師道丕振歷
環教諭致仕歸養今祀鄉賢祠子鳳韶亦以孝稱
高維斗天啟例貢任府軍後衛經歷性孝友撫孤姪
成立賑饑禦寇績著里閭知縣呂開科薦舉之
徐仲顯茂之孫天性孝友繼母曹卒廬墓三年悲哀
如一日知縣陳世祿扁其廬曰孝子廬後知縣吳
諤又請爲鄉飲大賓

新野縣志

卷之五 人物

十四

齊 珂邑庠生性純篤事親至孝繼母孟歿廬墓三
年哀毀骨立有司以聞督學嘉獎

劉鳳詔字汝成邑庠生性至孝父名瓘不忍犯其諱
因改所用瓦罐曰土倉家人悉從之不致復稱罐
父沒鬻產營葬母孀居色養唯謹及母沒廬墓三
年滋味不入口毀瘠變常署縣郡丞王廷獻親詣
其門送孝行卓異旌扁師生亦贈扁曰闡揚順德
道院交獎

曹首翼邑庠生性純朴家貧事親曲盡孝道母李病

車以野墓荒涼爲憂首奠慰之曰母善保重
諒無虞卽有不測兒當作伴耳及母卒哀慟欲絕
旣墓結廬墓旁朝夕哭奠時方幼年繼娶未幾終
喪不近比出廬猶依依不忍離

喬 璣監生儻成化二十一年應例入太學授歸
州吏目少有至性事父母極誠謹父卒與弟璋號
泣不勝哀毀幾滅性及墓廬墓三年有白兔芝草
之瑞有司奏聞勅賜旌表題曰兄弟孝子祀鄉賢
喬 璋洪治十一年貢生性篤孝與兄璣同廬墓詔

新野縣志

卷之五 人物

五

賜旌表子庠生崙亦廬父墓世以孝聞祀鄉賢

周 官庠生以孝聞邑文學朱大顯銘其墓

劉繼漢庠生五世同居子孫皆能以孝友相勉其敦
睦之風鄉黨悉爲所化

李純白庠生崇正五年娶張存女爲妾女入門泣訴
母死家貧父年衰邁迫於逋負白爲愴然問聘貲
足償否云尙欠六金白卽時送女歸家令其贅婿
養父復贈六金償債鄉黨義之

原四喜邑之後庄人遇父病篤泣禱於天割股肉進
之父初不知也病愈母言其事始抱子號哭鄉人
聞於邑令扁其門旌之並蠲徭役

樊輔周縣北樊家集人父早亡遺母劉氏輔少孤而
家貧母病篤藥醫不效輔至夜半焚香告天引刀
割肉烹進之母病立愈族黨聞之僉曰是子之孝
未嘗學問天性然也

田洽育其父病臥不愈洽心不安割股烹進父食病
愈鄰人聞於邑令扁旌曰能事父免其徭役

新野縣志

卷之五

人物

三

吳 貴性好善父早亡遇母病劇割股默進母食立
愈且道不拾遺廣行善事人咸稱道有傳見藝文
林汝楫邑庠生能孝友少而勤學與昆仲均勞逸母
病晝夜問視及母歿哀毀骨立而卒有傳見藝文

載舊志

齊 超字遐舉歲貢生孝友性成母陶氏卒號泣彌
野孺慕之誠閭里哀之時超方弱齡也後事繼母
一如陶氏凶痛謂異母弟曰豈無他人不如同
父願終身友於無貽父母泉下憂適家中落慷慨

自勵廉介之操至老益嚴邑人咸敬慕焉

明 聖字明玉拔貢生事父母以孝聞弟弱父母尤憐之聖體此意情好益篤後弟及婚備物盡禮事
事豐裕以慰父母家幾破不顧也尤邃經術長古
文辭及其秉鐸洧川德行文章分科教士洧之人
士至今忘之

陶華春字灼三庠生明進士松江太守鴻儒曾孫天
性孝友母齊氏患癱症春憂瘠骨立衣不解帶雖
中夜呼無不立應事兄仝春愛敬交致老而彌篤

新野縣志

卷之五

人物

七

族黨中婚嫁喪祭無力者必推所有以周之中丞
雅爾圖以心存惻隱表其間

白 瑤字燦然歲貢生家極貧與弟各分產二十餘
畝弟病臥床褥索債者環門瑤恐弟知鬻已產以
償之及弟故而瑤之產亦空矣知縣董裕匾以旌
之瑤悽然不自安其孝友殆天性云

趙 玠邑庠生性孝友父病歷數月玠侍湯藥衣不
解帶父卒號痛幾絕長兄雙瞽玠盡以祖業付之
兄不事產業家漸破玠仍與兄合居奉養無愠色

鄉文介賓

懿行

明

徐 威貢生字德重性醇篤動止語默悉由矩度爲
學不間寒暑初任固城訓導陞平定州學正轉秦
府教授所至皆有賢聲及致仕歸教誨子孫化及
鄉黨邑中皆稱徐夫子云

謝汝賢威弟子也以明經終志意高遠持已端嚴時
人稱爲大賢其流風餘韻至今人猶景慕不置云

新野縣志

卷之五

人物

三

張 節性淳朴持身高潔二兄皆功名士節博覽群
書不求仕進與人寡合終日閉戶危坐衣食不足
恬如也鄉人評其自幼至老未嘗出一妄言行一
不義知縣吳承恩禮賓鄉飲卒八十有二

張 華性淳篤行高潔少習舉子業不售乃就掾階
善書法不苟取辦事吏部却餽金天官卿大異之
命書清吏張華四字揭部門示勸於後仕固城縣
丞

國朝

魯士毅字遠公邑增廣生操行端方有至性父早卒

苦挾觀歸後建屋數椽終日危坐無事不出
庭撫軍雅爾圖給匾以表其善焉

楊明昭字子彰閩營左都督楊正第五子也正奉
命討台灣病篤昭聞信晝夜兼程及至父故昭服闋
新每歲時祭哀痛迫切終日不能食尤精岐黃
有延之者雖風雨必往而不受其值其品誼有
重者乾隆十九年鄉飲

張君祥字清瑞邑廩生都督僉事張旻子也其先
翁奉

新野縣志

卷之五

人物

三

命屯田於新新於閩去數千里有故舊來者旻家貧資
助無術祥窺父志多方備物以承其意母嘗患瘧
症歲餘侍湯藥不解帶居喪哀毀至嘔血家產在
兄弟自取無難色著有愧不如物書以勵世其芳
行洵可風焉

李興宗故鄉耆也家貧傭工以養其母朝夕無少缺
奉孀嫂撫孤侄同居六十載無異言目不識書
孝友出於性成洵爲罕觀

馬祖澤字次眉邑庠生故禮部侍郎馬之驥曾孫

恬淡無憂梁氣銜口危坐官吏希識其面目有接
之者如坐春風中雖忤意終不以疾言遽色加之
一時稱爲長者

徐優祥鄉耆也生員徐登陞之叔兄早逝祥竭力營
運與孀嫂孤侄同居五十餘載無間言後侄入庠
舍祥悽然曰可以報吾兄於地下矣性倜儻有俠
氣家門內偶有參商輒包以大度付之一笑而已
嘗拾遺金於道卒覓原主歸之里人咸重其行焉
徐秉彛字爾公本邑車灣人與諸弟共敦義行所居

新野縣志

卷之五

人物

三

密邇官道爲南北通衢地素窪下雨驟集行旅望
而却步有車折馬仆者秉彛慨然捐高田爲路俾
就康莊以通行人鄉黨義之

文學

漢

注 丹字子玉世傳孟氏易東漢王莽時辟世不仕
授徒數百人建武初徵爲博士累遷大鴻臚嘗作
易通論七篇學義研深易家宗之稱爲大儒祀鄉
賢

敏字敬達歛之後父豔爲司空敏涉獵書籍善
左氏春秋尤精於爾雅訓詁避亂入蜀後漢昭烈
署爲典學校尉後爲虎賁中郎將丞相亮駐漢中
請爲參軍祭酒撫軍將軍累遷光祿大夫子忠淹
貫經史有父風姜維善之辟爲參軍

晉

鄒湛字潤南父軌魏左將軍湛少以文學知名仕
魏歷通事郎太學博士泰始初轉尚書郎廷尉平
深爲羊祜所器重入爲太子中庶子累官渤海太

新野縣志

卷之五

人物

三

守散騎常侍國子祭酒著詩論數十篇爲時推重
子捷亦有文才爲散騎侍郎

南北朝

庾杲之字景行篁從子仕南齊爲尚書駕部郎清貧
自業累遷尚書左丞王儉辟爲衛軍長史蕭緬與
儉書曰盛府元寮實難其選景行汎綠水依芙蓉
何其麗也時人指儉府爲蓮花池故云累官至尚
書吏部郎加通直常侍卒謚貞子

信字子山祖易齊徵士父肩吾八歲能詩梁散

有遷入者起身湘東國常侍轉安南叅軍與東海
徐陵文並綺麗世號徐庾體思遷通直散騎常侍
聘於東魏還領建康令尋封武康縣侯加散騎常
侍聘於周遂留長安歷官驃騎大將軍進爵義城
侯俄拜洛州刺史徵授同宗中大夫文人惟王褒
頗相得雖位望通顯常有鄉關之思乃作哀江南
賦以致其意云大業初以疾卒子立嗣傳見藝文

新野縣志

卷之五

人物

三

志

袁季才字叔英域之族幼穎悟八歲誦尚書十二通
易好占元象事梁湘東王繹引授外兵叅軍累遷
中書郎領太史謂皇元年授通直散騎常侍帝將
遷都夜與高穎定議季才旦奏臣仰觀元象俯察
圖記龜兆允襲必有遷都願陛下爲速徙計帝愕
然曰是何神也封宜昌縣伯所著有靈臺秘苑垂
象志地形志行於世

聽字貴訓本泰和人少負俊才有逸思以訪兄
至新野留而授徒適督學使者按部校文得庠生
卷異之詰其所學生以實對曰誦師蕭某所改授
者卽召至與語大悅之遂令占籍補邑庠生成化
丙午以書經領河南鄉薦庚戌授內黃教諭與諸
生辨析經義端習操軌士風浸變治乙未解官
南奔母喪襄事復來遂爲新野著姓子麟舉鄉試
孫體元第進士所有壁經註解夢醒錄藏於家其
古心矩行孚式邦間卒年八十四族孫柯亦端嚴

新野縣志

卷之五

人物

三

博學連不得志於有司嘗獻策本兵以忠信化三
巢鉅盜著有靖寇稿化殘錄九經正義等書著行
於世寓新教授三年至今門人有山斗之仰云

載舊志

三朝

石价卿邑增廣生生有異稟自少沉酣經籍能識大
意凡異端誕妄之學屏絕弗好數竒不偶而聲望
傾一邑邑之知名士多出其門旣歿之嗣門人楊
景煌馬允升等歲時祭其墓以爲常其行誼德範

可想見矣

梁維極字子錫孝廉梁門出之三子登戊午經飛文名著兩河性嚴毅雖暗室中不敢苟且歷任洛陽陳州學博一時學者慶爲蘇胡復出所著詩文風格大都在秦漢間至今猶膾炙人口

李青字山子邑庠生嗜古讀奇書嘗遊湖湘間有所感卽以詩歌傳之中年落拓不得志築室葺山絃誦不輟著有詩集藏於家

歸瓚字在璞歲貢生潛心經史能窺其奧立教以

新野縣志

卷之五

人物

三

端本爲先文藝次之每取古人成跡分列條約爲諸生勸學者仰之若山斗焉秉鐸郊縣課士無異於桑梓致仕南歸諸生留之不得有泣下者

鄧紹禹字漢卿歲貢生高密侯裔性嗜書尤樂成就後學設義塾村中有來學者輒盡心誨之而不索其貲膠庠士多出其門後歷任商水永寧司訓進就庠士如居鄉焉

隱逸

三

光新野人字子陵少與光武

光武即

乃變姓名隱身不見帝思其賢以物色訪其所至
 備安車元纁遣使聘之三反而後至帝即日幸其
 館光臥不起帝即臥所撫其腹曰咄咄子陵獨不
 可相助為理耶光張目熟視曰昔唐堯著德巢由
 洗耳士固有志何忍相迫乎帝嘆息而去復引光
 入論道故舊因共偃臥光以足加帝腹明日太史
 奏客星犯帝座甚急帝笑曰朕故人子陵共臥耳
 除為諫議大夫不屈乃耕於富春山 按舊志載
 野人避徙會稽

新野縣志

卷之五

人物

三

南北朝

庾

易字幼簡性恬靜不交外物以文義自娛臨川

王薦之餉麥百斛不受安西長史袁誠欽其風贈
 以鹿角書格蚌盤蚌研並詩曰白日清明青雲遼
 亮昔聞巢許今睹臺尚易以連理几竹翹書格報
 之建武三年徵為司空主簿不就子孫之盛衣冠
 莫比

陳 字子承 實易同宗初聯慧篤學經史百氏然
該綜而無託囊簡特愛林泉十畝之宅山池居
蔬食布衣不修產業梁普通中徵為黃門侍郎不
起卒謚貞節處士

陳 松字晚翠六合其別號也七歲舉神童十一歲
補弟子員有穎思遇異人挈入山中數十日方出
即棄舉子業徜徉自放為詩逾豪字亦道勁凡琳
宮梵刹亭 堠壁障往往多所題識其題順德府郵

新野縣志

卷之五

人物

七

亭壁間有 山色三分猶白晝鍾聲十里已黃昏之
句至今猶膾炙人口云
里 狹

興

楊 澤性輕利年荒民饑施粟二百石助賑前令陳
世祿扁其門曰仗義

杜 存仁兩因 年荒各輸穀二百石助賑前令陳世祿
獻世祿先後旌扁曰仗義之家

大 勳銘孫施城北路灣地一區為義塚

者素有伺義風嘗出外見有餓殍遂令家人撻之因施南義塚地一區前令孫明善嘉之節婦烈女

新野節義長公主名元光武姊也適新野鄧晨光武兵敗於小長安單騎走與公主遇趣令上馬主攜曰行矣不能相救無爲爾沒也會追兵至主及三女皆遇害光武卽位詔謚節義立廟新野縣西廟久毀無考

新野縣志

卷之五

人物節烈

三

荀氏邑人陰瑜妻名采潁州司空爽女性聰敏有才藝年十九瑜卒無子時同郡郭奕喪偶爽以采許之采懷刃自誓爽奪其刃逼令登車不得已乃至郭氏多建炬燈正談竟夕奕不敢犯令左右辦浴旣入屋掩戶以粉書扉曰屍還陰氏遂自縊死

明

張氏李端妻清之女年十六歸端生子四歲而寡母舅姑憐而諷之改適氏終不從

劉氏杜榮妻才與次女年二十適榮生一子

養舅姑撫遺子完節無玷

喬氏劉子謙妻儁女年二十五而寡安貧撫孤存節
改適者輒呵叱之

于氏陳海妻知州秉之孫女年二十而夫卒撫遺孤
孝事舅姑誓不嫁

周氏黃子達妻斌之女年十九適子達生子甫七日
而寡守節至老

曹氏張洪妻隆之女年二十四而寡養舅姑撫二幼
子至老不二

新野縣志

卷之五

人物節烈

三九

喬氏楊笙妻隆之女年十九適笙生子三歲而笙卒
撫育遺孤孝事姑嫜守節終身

薛氏陳景妻唐興之女年十八而寡撫遺孤守節至
老

張氏趙文表妻年十八夫卒遺孤甫三月哀痛幾絕
自縊從之

吳氏王鶚妻方啟之女年二十八而寡遺孤甫八月
善事舅姑存嗣續終身無玷

劉氏庠生康忠恕妻宣之女年十八適忠恕生子甫

二歲而寡貞潔自勵以迄於老前令陳世祿申請
建坊旌表

宋氏龐璇妻賢之女年二十四而寡遺孤綬甫三歲
守節五十六卒年八十前令陳世祿吳承恩親詣
弔祭扁旌慈節

王氏郭玉妻年十八適玉生子景華甫二歲玉卒撫
孤成立又早卒孫震方在遺腹氏先後鞠二孤節
如金石人以為有李令伯祖母之風前令陳世祿
吳承恩給扁

新野縣志

卷之五

人物節烈

字

范氏馬廷銳妻夫卒自縊

劉氏呂綬妻適綬五年而寡抗節十有八載而卒有
人言改適者輒面赤避弗與言

王氏廩生李澄妻省祭銓之女歸澄九年澄久病王
事之極誠嘗許與同死澄食則食澄不食則不食
澄卒撫棺號泣三日復跪柩前告曰我服以日代
年今制滿當踐前言卽夜自縊於喪側人覺解之
得不死乃絕口不食生母泣勸之不從凡餓二十
七日而絕時年二十九邑人咸垂泣生師往弔前

氏年二十一歲苦節自守以誨二子足跡不
庭長子官以孝稱壽八十卒

張氏馬一變妻明崇正九年氏二十五歲夫婦俱被
寇執氏給賊曰汝放吾夫卽從汝賊信之氏度夫
去遠托造飯入厨舉火起烟賊不能入自縊死遺
子未週歲賊憐其節卓中搜出老婦與之金將氏
子交與撫養而去

新野縣志

卷之五

人物節烈

聖

郝氏女崇正九年女甫及笄遇闖寇破城執令上馬
女大罵不從賊欲殺之女曰吾寧就死安肯從賊
辱吾父母遂被害女父天倉山西人娶於新野云
陳氏常憲妻崇正九年寇至被執雜衆婦中驅逐而
去已而復過其門熟視曰此其死所矣乃大罵遂
遇害

黃氏生員馬鳴遠妻崇正九年寇至氏以病不能逃
着平生衣坐中庭寇入欲牽其手氏罵賊曰吾頭
可斷手不可污也一寇提刀至氏曰汝不殺我我

當殺汝遂遇害鳴遠收葬畢穴氏墓旁結茅以居人多義之

夏氏生員鄭綱妻夏太和女崇正十一年避寇舟中寇逼近舟恐爲所執遂投水中子女遠岸號哭不顧竟溺死

李氏生員齊毓泰妻崇正十五年闖寇破城執氏欲驅之去不從惟求速死賊愈迫之罵不絕口遂死刃下葬白河西岸

曹氏儒童薛一儒妻年二十三孀居守節七十七卒

新野縣志

卷之五

人物節烈

聖二

王氏王畿繼妻生一子旌甫八歲而夫卒年二十六勵志紡績撫嫡男四與已子無異視旌補弟子員早亡遺一孫氏又撫之年八十四卒

杜氏陳守仕妻年二十而寡家貧日事紡績誨二子各就一業季子生孫玉書爲邑庠生氏年九十八無病而逝

王氏孝廉曹煒繼室生員王褒之女煒病革前妻遺有四子命氏留妾官氏各撫二子煒卒氏年二十一

四子無一子遇難被擄其一官撫二子煒卒氏年二十一

...日蓋察父母憐之欲奪其志乃執刀截髮
誓卒時年九十如一口焉

袁氏生員朱鼎隆妻庠生袁樂孟女也年二十三而
夫卒遺子三歲遭繼姑之虐氏志愈堅紡績撫孤
年七十四卒

陳氏生員熊夢祥妻祥卒氏年二十五撫子文蔚弱
冠游泮未幾而亡氏子然無依冰霜自勵五十餘
載

新野縣志

卷之五

人物節烈

三

曹氏薛慥妻年二十五守節歷四十餘載

李氏高維漢妻生員允登母也明天啟丙寅夫故登
甫四歲有姑八旬事姑撫子歷五十餘載卒年九
十

蕭氏庠生張岱妻萬歷中奉勅 旌表

趙氏陶應祥妻貢士趙恬女年十九夫卒遺女未週
歲氏誓同夫死號哭絕食七日死而復甦姑泣勸
之曰若撫遺女爲吾兒存一綫骨血不猶愈於死
乎冰蘖自苴者二十餘年卒

劉氏貢生李勝梓妻能讀書通經史大義崇正十年
寇猝至氏被執厲聲罵賊賊刃之去氣猶未絕以
指蘸血書人生自古誰無死留取丹心照汗青二
語於衣襟上遂死

李氏庠生陶爾鎔妻邑宦李復初女也崇正中闖寇
至境氏被執時年十九賊百計迫脅拒之愈堅罵
不絕口遂遇害邑人張星輝買棺殮焉

國朝

喬氏孝廉梁門出側室也年十七歸孝廉十一載而

新野縣志

卷之五

人物節烈

四

寡哀毀誓死以子幼隱忍稱未亡人荼苦自甘治
家嚴肅撫孤俱嶄然頭角次子維極以戊午舉鄉
試二名晚年諸子爲列音樂稱壽氏泣下止之年
八十四而卒

鄭氏庠生馬天蔭妻廩生鄭綱女年十七而蔭卒生
一女甫週歲翁姑憐其幼勸之改嫁氏引刀斷髮
獨居小樓終歲不與人一面紡績奉翁姑年七十
九終與蔭合兆栢發一枝交柯互葉如鳳尾狀僉

曰此天之所以旌節也

進母食之大愈後氏仆臥姑問其故不對又問泣不應再三詢究其夫曰母前食肉兒媳肉也其母抱媳大哭鄰里賢之

張氏女縣北冀家灣張應瑞女也天性純孝繼母陳氏久病在床時氏年十四值父他往母欲肉食女默祝天地割左股烹之母病立愈後女面容黃瘦人莫解越數月陳氏知之抱女痛哭愛愈已生

載舊志

曹氏邑庠生鄭宗宏妻歸鄭氏生子脉延甫二月夫

新野縣志

卷之五

人物節烈

吳

故氏絕粒號痛欲殉氏大翁嘉祚年七十餘涕泣謂氏曰宜勉育弱孫為鄭氏宗祀計氏乃強食遂以竭孝養恤孤兒為已任霜晨雪夜百苦不回督子脉延勵志詩書有聲諸生間

雍正十一年奉旨建坊旌表

鄭氏鄴大慶之妻年十九為鄭氏婦二載夫故子作生四月氏為宗祀計不敢以身殉繼姑馬氏欲奪其志氏矢死靡他姑亦中感更相和睦氏晨夜

嘉慶二十三年甲申

張氏張英女子歸韓錫章生子發祥未週歲錫章
既歿氏投繯自殉姑覺苦勸乃已遂矢栢舟以絕
他議有以輕塵弱草諷者輒唾其面後翁姑相繼
歿氏號哭仆地傷右臂子發祥痛母苦志向學著
名成均人姬氏謂女中程嬰云
雍正十三年奉旨建坊入祠
平氏監生楊泰年之生母也泰年祖楊景煌以進士
任廣西上林令卒於官泰年父瑀隨任亦故是時
泰年在襁褓中氏痛曰母弱子幼家門之禍不遠
矣吾死誰與爲理遂矢冰操搬翁柩回籍家道中

新野縣志

卷之五

人物節烈

七

落氏極力維持先業賴以不墜至今楊氏稱望族

乾隆元年奉旨建坊入祠

陳氏張雲章妻結褵二載夫故氏年二十一無所出

姑憐之欲令再醮氏托言祭夫墓痛哭自縊孀母

王氏覺而救之氏不得已操井曰勤紡績督幼叔

雲偉讀書成名人競稱之
乾隆二年奉旨建坊入祠

蕭氏孺童徐有林妻生員徐登陞之母也生子方二

歲夫故氏年二十二姑蕭氏久病床褥兩叔幼氏

兩場與晝夜不敢離姑歿懸棺室中忽驚回蘇氏

號泣祝天火息無恙謂孝心所感不虛也後子

廷皆授室成名

乾隆三年奉旨建坊入祠

一喬門三節喬聚秀之妻陳氏年二十而寡育孤甘貧志矢栢舟姑病親嘗湯藥不暫離數十年艱苦備嘗節操凜若冰霜其姪婦廖氏者千秋妻也年十四於歸六載夫亡孤方六月有勸之嫁者痛詈之奉姑一如陳氏又邑庠生喬如崧之母閻氏亦陳氏之姪千常妻也千常亡閻二十四崧方五月氏剪髮毀容以絕他議紡績奉姑延師教子年六十

新野縣志

卷之五

人物節烈

哭

而終孤孀相繼道路垂憐三節一門前此罕觀

乾隆

四年均蒙建坊旌表

高氏邑庠高嶼女年十七適儒童趙篤明結褵六載夫故稱未亡人力紡績奉公姑教孤兒備嘗苦辛姑病常籲天自代及歿營葬事悉如禮後兩叔受室成人子熙哲弱冠有聲庠序賢婦教育之功實

人所難

乾隆八年建坊旌表

馬氏樊恬之妻府學生樊毅任母也年十九賦桃夭二載天歿毅任方爾月姑鮑氏老而病家貧

此妻夙苦雨晝夜紡績遺子就傅歸則命子
勇燃燭讀書夜闌方止以故子喻遂成名儒其
節如此乾隆十五年
建坊旌表

魯氏儒童董之屏妻邑人魯士健女也于歸二載而
寡並未生育誓在投繯從夫於地下其父母以大
義喻之曰汝死節固宜痛汝夫終為無後之鬼有
胞侄可取為嗣汝婦節固無忝也氏乃強進飲食
撫胞侄德裕為子義方訓教不啻嚴父獨養其姑
克盡孝道雖夫之兄弟迥不迨焉乾隆
建坊

新野縣志

卷之五

人物節烈

五

樊氏儒童鮑擢用妻生員樊璉之女年十七于歸六
載而夫故氏呼天號泣絕而復甦者再其姑諭曰
汝與俱亡兩孫其何倚乎氏乃強存節操踰年
姑久病侍湯藥朝夕不忍離及翁姑相繼歿營墓
祭無失禮教二子俱入庠序鮑氏書香藉以不墜

乾隆十八年奉
旨建坊旌表

黃氏鄉民黃超之女喬爾楷妻也夫故氏宿舟白
凜不可犯於康熙五十
年十月初一日有惡棍
喬折強梁行劫二為
身被數刀

蔡述未及百歲而身斃氏由是名動邑人

齊氏杜思賢之妻鄉民齊逢太室女年二十二於

逢昌之子啟元為妻啟元隨父之孟津以病故

齊氏閉戶自縊母遣侍女破牖救之女絕飲食

二十日而死

齊氏杜思賢之妻鄉民齊逢太室女年二十二於

八月夫故氏撫前妻三歲兒矢死不嫁公姑及

夫婦先後歿氏力營四喪艱苦百端年六十有

其子鄧愚不能自達閭里恰之公舉附志以彰

新野縣志

卷之五

人物節烈

三

節

馮氏馮祥之女賈鴻做妻也于歸二載夫歿越次日

始生遺腹子賈文元訓教成立今補邑博士弟子

氏年二十三苦志守節二十八載

蔡氏楊春榮之妻生一子夫故氏年二十七家赤貧

忍死無孤與延夫嗣以憂痛過甚於乾隆九年病

歿死時其兒曰我不負吾夫不辱吾父死亦何

節

齊氏杜思賢之妻鄉民齊逢太室女年二十二於

三歲夫故撫之躬于奉事公姑
至于四年

張氏陳州沈邱人也時歲饑沈邑率富人爲食有粟
戶方小者聞沈邑荒甚挾貲往詭言娶室而女貧
已三日不食矣遂墮術中及女抵方家方小欲
作倚門態女立意畢命而方亦防維甚密女遂
飲食七日邑衆義之葬齊家崗東一里許

左氏故庠生陳顯登之妻于歸未一載夫亡氏年
十念繼姑無所養氏紡績供事不少缺姑歿盡

新野縣志

卷之五

人物節烈

五

粧奩爲喪葬之具氏無所依撫三歲侄爲夫嗣
成人而天氏年六十有三艱苦備嘗

樊氏李明業妻邑庠樊廷魁妹也年十八歸明業
一載夫亡公姑憐其年幼苦節取二門大業次子
棟爲嗣氏色養公姑二十餘年無怠容氏足跡不
出門戶

曹氏樊居正妻也賦桃夭未兩歲夫亡父母翁姑
意曰爾夫亡無出當自裁氏焚香誓曰我不
地下者以前李氏所遺長子二歲次子數月

撫之以延夫脉且及於耆奉暮年者何人耶氏等
截髮自矢五十年如一日焉

劉氏明御史良卿之五世孫女奕居林婦也年十六
于歸夫死氏年二十四止一女勸改醮者氏唾其
面閉戶苦守雖家人亦罕見之今年五十七與其
嫂曹氏人稱爲一門雙節 乾隆十年前令給匾

喬氏樊維岑妻年十八適岑生子秉桓甫三歲而
歿氏年二十五堅志苦守以養老撫孤爲已任後
秉桓授室生孫燦小而能文氏德所貽也年八十

襄野縣志

卷之五

人物節烈

三

一

楊氏現年七十四矣爲樊怡妻邑庠國治母夫卒時
氏年二十三苦志守節日黠紡績止奉姑孀生養
盡禮下撫藐孤刻勵成名至公國治有聲士林

王門五節故生員王肇基開基建基胞兄弟也皆以
早年亡肇基婦路氏年二十八今六十有九開基
婦杜氏年二十五今六十有六建基婦張氏係生
員張翹女年二十六守節至六十四卒是三婦皆

節冰霜人八條日厥後路氏長子銳娶婦張氏

之字爲繼子未滿月晝則乳而食晚則抱之
祇夫靈前年三十九卒杜氏之子鏗娶婦鄭氏年
二十七卽稱未亾人苦節二十餘年未嘗見齒前
後五節家之不幸門之光也

劉氏生員劉正世之女訂婚於生員楊振之子宣芳
未成婚宣芳痛父歿嘔血亡女聞之欲從夫地下
而父母防範嚴女閉戶不與諸姊妹同歡笑未期
而亾夫家憐其節烈昇棺與芳合葬棺未至芳之
墓門忽裂若有待鄉人競往觀之果然

新野縣志

卷之五

人物節烈

五

樊氏曹繩武妻也武亾氏年二十二遺孤炯方二週
氏欲從死翁姑泣語曰我老孫幼而家貧汝死悉
爲泉下人矣氏感動強起及炯成立娶邑庠王宁
之女年十九不四年而炯卒遺孤層德僅週歲氏
念祖姑二老七旬有餘層德幼小三世一脉泣諭
祖姑以止過慟雖強顏歡娛而形消神瘁卽於炯
亾之年冬卒一門雙節前令給匾旌之

李氏儒童白珩之妻結縭四載夫故氏年二十五子

士傑在襁褓中家素貧際此益困不可支氏據慨
自勵茹苦三十一年卒

馬氏邑民喬盛妻也家貧織蓆爲食嘗數日不火並
無怨言夫亾氏年四十八子女俱無營葬畢族人
欲奪其志氏知之不旬日投水死

馮氏生員馮良驊之女年十八適生員鄭大宗之子
修巳甫四載而夫亾氏年二十一取夫胞弟次子
爲嗣家業凋零氏苦志堅守四十餘年 督學王

國棟給匾旌獎

新野縣志

卷之五

人物節烈

五

樊氏儒童李榮祖妻也年二十七夫亾遺二子芳蕙
方在襁褓中未幾公姑又相繼歿氏哭哭無依慘
不忍言氏乃典粧奩營葬祭晝則操井臼以營生
夜則紡績續以課讀二十年如一日後子芳果成
名

趙氏喬森妻年二十餘森故子椿培未

志苦守及椿培成年十八遊泮娶邑

女自守志苦守及椿培成年十八遊泮娶邑

女自守志苦守及椿培成年十八遊泮娶邑

匹徐寤哭哀久卽於是夕遙拜姑趙氏自縊死
林氏生員張文在之母夫故氏年二十三歲矢志
舟勤於治家嚴以教子每朔望命子書數日功課
告夫之靈子感而篤學少年入邑庠砥行礪節綽
有父風

孟氏儒童樊秉文結髮妻也年二十而夫歿有子僅
二歲氏含苦忍痛不敢悲號恐傷翁姑心翁姑哭
其子遣孫戲於旁以慰解之子稍長訓曰汝不存
利己心不作分外事雖終身農圃亦何憾乎爲子

新野縣志

卷之五

人物節烈

五七

授室教以勤儉持家翁姑歿氏營葬畢徬徨仰視
謂子若婦曰我今可從汝父於泉下矣子婦抱持
痛哭延至戚勸解乃已氏門衰祚薄家道寒微五
十年苦節不啻金石

沈氏鄉民蘇經之妻家極貧僅有宅旁地二畝以種
蔬生理氏年二十五歲而夫故遺子幼稚晝則拾
薪夜則紡績並日而食無他志親戚勸之曰汝年
尚少若改志從人爲終身衣食計不愈於忍饑寒
甯乎氏泣下白婦人守節不在富貴負賤卽

也誓死不從苦節垂四十年因積勞致凝結
于頗知孝養以傭工所獲供飲食亦苦節之
郭氏儒童樊居簡之妻年二十七而寡無子踰數月
翁姑欲爲氏謀繼嗣而未稔其志使妯娌輩微探
之氏泣曰死爲分內事不過遲早間耳他非吾志
也翁姑知其能甘心苦節者多方諭解取長門次
子爲嗣氏冰茶自礪於嗣子雖愛如已出而督責
甚嚴勤儉持家由是家道駸可其子亦重厚有德
劉氏邑民劉國太室女魯士章妻也章娶氏方月餘

新野縣志

卷之五

人物節烈

五

身染瘋症形容更變大非平日姑恐氏心不懌以
好言撫之氏曰此吾命也其於夫一飲一食必親
手經理曲盡苦心夫故氏痛哭曰吾夫生不在成
人之列死又作無後鬼乎遂取胞侄魯詹爲嗣其
子成立氏曰承祧有人吾夫於今不死矣事公姑
歿附身附棺者悉竭力爲之又建修橋梁成夫未
竟之志今氏墓前之木已拱里人溯其苦節泣猶
潸然下也

趙氏生員張南圖之妻趙喜宏女也年十七于

二十二年一子方襁褓氏矢志盡孝
癩症終身不痊氏湯藥必親嘗日夜省問
年如一日而伯翁乏嗣衰老復以痢疾委頓
不獲間氏奉飲食始終無怠意至一弟兩妹竭力
娶里人重之謂巾幗鬚眉氏或不愧焉

處立王翰之妻生員喬維世室女也於歸一載
子者輔未週歲夫故姑又衰老病風痰常臥床
氏方十九歲堅志栢舟始終不懈姑病篤焚香
願以身代姑常泣告人曰喬雖吾媳真吾兒

卷之五

人物節烈

五

翁長訓誨嚴切卓然成立見鄉黨間氏歿
年有五苦節五十六年里之人稔其行者方
舉焉

清之妻郭定楚室女也年十六於歸未幾長
媳相繼病故其夫又染沉痾哭謂氏以繼
育諸姪爲嗣夫歿氏年二十二歲哀楚幾
積艱苦萬狀爲子侄授室教以勤儉持家

者悉爲取贖黃氏守節

守節

年十六於歸...

盡大半為女...

得染狂疾一日忽以利刃...

奉養姑病稍差隣親以告抱氏痛哭遂成疾

二十卒絕不欲生以姑老子幼泣血

茶飲水者四十餘載生事死葬盡禮盡哀

若順宗黨難之

居仁妻楊玉真女國學生翟璉之母年十九

二十六夫卒幾投繯以殉隣媪覺解有孤年

卷之五

人物節烈

李

歸氏上事孀姑下撫幼子冰蘖自甘苦節三

年

周履祥妻子歸五載夫以病卒氏年僅二十姑

老子幼門衰祚薄紡織奉姑糟糠自饜姑沒哀痛

幾絕百計營葬茶苦六十年撫二子世洪世相皆

成立

邑西河北鎮庠生徐尚忠妻草場村趙丕承女

入于歸二十六夫卒遺子聖言洪功俱幼

事姑和熊養子伶仃孤苦備極艱辛

七十二歲子早年遊庠序有文名咸謂苦節之
趙氏葛潛修妻年二十三而寡撫子養姑苦節終
馬齊氏鵝兒湖處士馬允壽妻年十七適馬門九載
夫逝僅遺一孤瘠方六月家貧翁姑欲改適氏絕
粒數日幾斃因憐其志慰遂之氏泣曰氏死翁姑
誰侍孤兒誰托於是晨紡織夜訓子恩勤孝養備
極苦心冰霜五十餘載

方外

漢

新野縣志

卷之五

人物節烈

李

陰長生和帝皇后之曾祖也少薄富貴潛居隱身專
好道術聞馬明生得度世法乃入諸名山求之至
太和山中得與相見執弟子禮積二十年一日明
生問其所欲跪曰惟期長生耳明生乃使人青城
內煮黃土爲金入武當山石室中令生先服半劑
後又委之入忠州平都山修煉服丹白日飛昇因
其得長生法故名長生

梁

法聰八歲出家至襄陽華蓋山白馬泉築室以棲

晉安王造其室告以境內虎災聰卽入定須臾十
七大虎至命弟子以布繩繫頸而去自是害息所
至夜放光明不假燈燭年九十二端然而化

鄧郁之字元亮新野人漢太傅禹之後隱居不仕西
遊太華遇老人授以金丹火符之術遂辟穀南嶽
紫蓋峰日就澗水服雲母末少許一日魏夫人降
于室教以飛昇屆期白鶴來迎遂跨鶴上昇時梁
武帝天監十四年十二月三十日也

新野縣志

卷之五

人物

全

醜 迷國初人戒律精嚴而好讀古書工詩賦或數
日不食言未至事臺髮不爽吳逆之變邑人方大
恐迷曰彼逆天命於某月某日卽當殞滅已而果
如其言後杖錫遨遊莫知所終

流寓

乳 嵩字仲山南陽人徙居新野之阿里街家貧爲
人傭卒初嘗與山陽范式同游太學及式爲荊州
刺史行部到新野縣選嵩爲導騎迎式式驚曰子

非孔仲山耶懷道隱身尙處卒伍不亦惜乎嵩曰
侯羸長守於賤業晨門肆志於抱關貧者士之常
豈爲鄙哉式勅縣除其役嵩以先備未竟不肯去
後辟公車之京師盜竊其馬尋知嵩馬乃相讓曰
孔仲山善士豈宜侵盜送馬謝之官至南海太守

國朝

鮑遐齡浙江山陰人監生任陝西興安州州牧解組
後奉母寓新野孝聲頗聞於外爲士大夫所推重
精書法而人亦雅韻脫俗傳曰與周公瑾交如飲

新野縣志

卷之五

人物

五

醇醪鮑公有焉

周和梅江南吳縣人忠毅公周宗建之曾孫祖周騰
避闖禍冒張姓匿名湖海闢後爲南陽別駕周氏
之家新野始諸此和梅痛先業凋零隱居河干苦
志向學士大夫推重之